

Willkommen Drittes Öster-Reich

T & M: Max Neuhofer © August 2009

In an ordentlichen Haushalt/hängt unterm Kreiz a Jörgl-Bild
In jedn Zimma liegt a Puffm/wer deppat wird, hot scho vaspüt
„Leistung muass si wieda lohnen!“/Da Staat kassiert zvä Steian ei
Mia dahoitn de Schmarotza/so vü Soziales derf net sei!

Treibt's a Pärchen auf da Parkbank/schrei'n ma: Hilfe - Polizei!
Haut wer grundlos auf an Schwarz'n/do find't kana wos dabei
KZ-Überlebende daschreckn/naja, a klana Lausbuam-Scherz
Dawischt a Müchgsicht ma beim Fladern/schiaß ma eahm a Loch ins Herz

**Jojo es stimmt scho, mia san rechts/nur a bisserl, aus Protest
Cool: a starker Mann, den/ wähl'n ma gleich!
Willkommen Drittes Öster-Reich!**

„Geiz is geil!“ - „Her mit da Kohle!“/„Ois sofort!“ ist heit' normal
Imma vorn sein, imma schnölla/wia's andre geht is uns egal!
„Kommt's her da Leit, i gib eich olles!“/so vaführt ma jung und oit
Zag auf an Sündnbock mian Finga/auf an, der unsa Rechnung zoiht

Refrain

*Is ma ´moi a bissi fad/hol i ma a Kleinformat
Gib mein' Vastaund an letztn Schliff/und buchstabier' an Lesabrief*

„An Haufa Schuidn, an Job valurn“/bellt a frustrierta Kett'nhund
„I fass an Feind brauchts m'an nur nenna/i tua's gern, a ohne Grund“
Die Geldign san olles Judn/Verbrecher ois nur Ausländer
Mei Weltbüd wird ma imma klora/a klana Adi gherat her!

Der hacknscheiche Häfn-Fredl/lernt seine Viechal ollalei
Sei Doggn beißt nur Asylanten/„Heil Hitler!“ kreischt sei Papagei
Im Nazi-Bierzelt is a Wächter/er hot wos üwa fia Gewoit
Er drischt sogo sei Plastikpuppm/waunn eahm beim Pudan d' Luft ausgeht

**Jojo, es stimmt scho, mia san rechts/was is dabei - is des was Schlechts?
Deutsche Burschenschaft/dichtn d' Bundeshymne neich
Und rülpsen: Drittes Öster-Reich**

Wollt ihr Tomatenmark? - Na! Telemark? - Na! Briefmark'? - Na! Ostmark? - Uiiii!